

CONVENIO MARCO DE COLABORACIÓN ENTRE A AXENCIA GALEGA DE SANGUE, ÓRGANOS E TECIDOS E A ASOCIACIÓN GALLEGA DE ANESTESIA, REANIMACIÓN Y TERAPÉUTICA DEL DOLOR PARA A COLABORACIÓN TÉCNICA, CIENTÍFICA E DOCENTE NO ÁMBITO DA DOAZÓN E O TRANSPLANTE DE ÓRGANOS, TECIDOS E CÉLULAS HUMANAS

MEMORIA XUSTIFICATIVA

A xerente do Servizo Galego de Saúde, DECLARA:

Que a Axencia Galega de Sangue, Órganos e Tecidos (ADOS) formalizou, o 07.02.2023, coa Asociación Gallega de Anestesia, Reanimación y Terapéutica del Dolor, o instrumento convencional arriba referido, que ten unha vixencia de 4 anos, a contar desde o día da súa sinatura. Non obstante, poderase prorrogar anualmente por acordo expreso das partes, sen que en ningún momento o período de vixencia poda superar o límite de oito anos establecido no artigo 49 da Lei 40/2015, do 1 de outubro, de réxime xurídico do sector público.

Que o instrumento convencional ten por obxecto:

Establecer as liñas xerais que rexerán a colaboración entre a Axencia Galega de Sangue, Órganos e Tecidos e AGARyD e para a definición e posta en marcha de actividades de colaboración técnica, científica e docente que promovan a necesidade de coñecer e actualizar o proceso de doazón e transplante, como medio para acadar a implicación dos profesionais, actuais e futuros, dos servizos de unidades de coidados críticos/reanimación, especialmente naquelas iniciativas dirixidas á consecución de doazóns, o que permitiría unha maior posibilidade de transplante para os/as pacientes.

Que existe converxencia de intereses entre as entidades asinantes en orden á consecución do obxectivo referido.

Que o instrumento convencional que se asinou se fundamenta no seguinte:

De conformidade co Decreto 142/2015, do 17 de setembro, polo que se crea a Axencia Galega de Sangue, Órganos e Tecidos e se aproban os seus estatutos, a dita Axencia, como entidade pública instrumental adscrita á Consellería de Sanidade, ten entre as súas competencias a de realizar actividades informativas e formativas para os/as profesionais, para as asociacións de persoas enfermas e

organizacións civís e para a poboación xeral, en materia de doazón de sangue, medula ósea, sangue de cordón umbilical, órganos e tecidos e o seu uso, así como promover a participación activa, no marco da responsabilidade social corporativa, de institucións, organismos e empresas de Galicia, nas políticas de promoción da doazón de sangue, órganos e tecidos.

A Axencia Galega de Sangue, Órganos e Tecidos de Galicia, que ten incluídas na súa Área de Órganos, Células e Tecidos as funcións de coordinación autonómica de transplantes, é a responsable de coordinar a política de doazón e transplante de órganos e tecidos nos centros sanitarios da Comunidade Autónoma de Galicia, así como de realizar actividades formativas tanto para persoal sanitario coma non sanitario en materia de doazón e transplante de órganos e tecidos.

Ademais ten asignada a intervención cos distintos responsables dos programas de transplantes e cos coordinadores hospitalarios para potenciar todas as actuacións tendentes a mellorar o funcionamento destas actividades, especialmente naquelas dirixidas á consecución de doazóns, así como actuar como interlocutor coas representacións cidadás, medios de comunicación e asociacións de doentes incluídos nos diferentes programas.

A Asociación Gallega de Anestesia, Reanimación y Terapéutica del Dolor (AGARyD), de conformidade co artigo 3º dos seus estatutos, ten entre as súas funcións estimular e protexer o desenvolvemento científico e investigador da Especialidade, promover e colaborar na difusión, formación continua e programación das ensinanzas de Anestesioloxía, Reanimación e Terapia da Dor aos seus propios colexiados e a calquera outra persoa, física ou xurídica, que, pola natureza dos seus fins, cumpra as características que permitan a cooperación nos ámbitos mencionados, ostentar a representación da especialidade, colaborando con todos os organismos e institucións que estableza a Administración galega e entidades de tipo particular, relacionadas coa anestesioloxía, reanimación, terapia da Dor e especialidades afíns e participar e ser o órgano consultivo das autoridades competentes.

A participación en actividades tendentes á actualización no coñecemento sobre a doazón e a preparación para a interacción con potenciais doadores, son aspectos profesionais que poden encadrarse dentro da formación integral e a promoción do progreso no coñecemento, ao tempo que, a través delas, se fomenta a mellora na consecución de doadores. Así mesmo, debe terse en conta que a tarefa profesional



das persoas asociadas a AGARyD desenvólvese en unidades de coidados críticos/reanimación, tan próximas e sensibles cos problemas e requirimentos da doazón, ademais de ser coincidente cunha actividade de enorme importancia dentro das actividades e iniciativas da Axencia Galega de Sangue, Órganos e Tecidos de Galicia polo que, a colaboración nas ditas actividades, resulta de mutuo interese para as partes asinantes.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de abril de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estimouse xustifico acudir á sinatura do instrumento convencional, con exclusión doutras figuras.

E para que conste, asínase esta memoria

